







6

3-C

38



6-3-C-38







*Collegio S. Mauri*

**TRACTATUS  
DE ANTIQVIS  
ROMANORVM  
RITIBVS**

*Collectus Opera, & Studio*

**D. INNOCENTII CÆSII**

**A' MANTVA**

*Monachi Casinensis Prioris  
S. Benedicti*

**Sacræ Theologiæ Doctoris, & Sancti  
Officij Consultoris.**

**DICATVS**

*Illustrissimo, & Excellentissimo*

**DOMINO MARCHIONI**

**CLAUDIO GONZAGÆ**

**BO NONIÆ. M. DC. XC.**

**Typis Petri-mariæ de Montibus.**

*Superiorum permissu.*



# ILLVSTRISIME;

Et Excellentiss. Domine.



*Vod tennem hunc,  
& obscurum laboris ingenijque  
mei factum nominis tui Sacra-  
rio sistere audeam, nihil mihi  
debes; innumeris namque be-  
neficijs tuis cumulatus, ac penè  
obrutus, æquum erat ut ali-  
quod obsequij, cultusq; mei pi-  
gnus deferrem, & palam vota*

*a 2 nun-*



nuncuparem . Preclare etiam  
cum hoc opusculo acturum pu-  
taui , si fronti illius Nominis  
Tui amplitudinem presige-  
rem , certa non inter morituræ  
Famæ fiducia , & quadam  
immortalitatis nota . Quid  
enim felicius illi poterat con-  
tingere , quam in lucem prodi-  
re sub amplissimis illius fami-  
liæ auspicijs , cui longo virtu-  
tis , & fortunæ certamine tot  
decora accessere , ut non solum  
Patriæ , verum etiam totius  
Orbis fastos impleverit ? Quid  
gloriosius illi contingere , quàm  
tanti Viri nomine decorari , qui  
Virtuti similimus , animoque  
super

super humanam, & Naturam, & fidem euecto, magnitudine cogitationum, celeritate consilij, rerum agenda-  
rum prudentia suo, & ciuium voto maior Sapientiores cuius-  
cunque Ætatis Viros antecel-  
lit? Tuas sanè virtutes opti-  
masque regendi Artes agnouit  
Casalis Ciuitas tuæ fidei co-  
missa. In eius si quidem Re-  
gimine, Pietate, & Iustitia  
antiquis Heroibus comparan-  
dus admirabili iudicio cle-  
mentiam, & seueritatem pro-  
cul ab inuidia comiscere; sine  
furo Religionem colere, comi-  
tatem sine dedecore, sine fastu

*dignitatem tueri consueuisti.*  
*Adeo assiduus in Tribunali,*  
*adeo frequens in publicis nego-*  
*tijs expediendis, ut labore re-*  
*fici, ac reparari uidereris.*  
*Difficillimis inde Temporibus,*  
*arduis rebus pertractandis ad-*  
*motus Mens tua assiduo, ac*  
*diuturno magnarum artium*  
*usu, ac sapientie studijs ex-*  
*culca strenuam semper, fi-*  
*delemque operam nauauit.*

*Quidquid uero otij è gra-*  
*uissimis occupationibus suffu-*  
*rari potes id totum euoluendis*  
*annalibus impendis; Vberi-*  
*nam namque ex litteris lau-*  
*dem legendo appetis, & au-*  
*dien-*

diendo. *Hac de causa Vir-  
tuti optimisque artibus Domi-  
tue certissimus est receptus,  
nullam enim incundiores ca-  
ptas voluptatem, quàm ex  
cæta Virorum insignium, qui  
cæteris una præcipue eruditio-  
nis comendatione præcellunt.  
Pictura quoque, & Statuaria  
Tibi plurimum debent, has  
enim artes ingenti studio foves,  
summaque promoues libera-  
litate. Et merito Hæ siqui-  
dem fato functis vitam per-  
spirantia simulacra reddunt,  
& cum litteris ipsis de perea-  
nitate decertant; Nam sicuti  
litteræ animorum effigiem,  
mo-*

*morumq; lineamenta in ævum  
prorogant, ita istæ corporum fi-  
guras intercidere non patiun-  
tur, mutoque opere, ac sur-  
do artificio hominum formas,  
& aspectus posteris narrant.  
Hæc sunt Illustrissime, &  
Excellentissime Domine Vir-  
tutum monumenta, quæ te  
vulgo hominum exceptum  
propius Cælo adstituunt. Hæc  
sunt, quæ Cives non solum;  
Verum Exteras quoque Na-  
tiones in tui rapiunt Venera-  
tionem. In te quotquot Mu-  
sæ Sacris operantur inge-  
nium, & vota vertunt, In  
Te doctarum noctium perui-  
gi-*



giles curas, dierum sudores,  
ac meditatamenta conferunt,  
Te linguis omnibus, ac litte-  
ris celebrant. Ego pariter Ve-  
nerantium Turbæ permixtus  
Breuissimum hoc de Antiquis  
Romanorum Ritibus Opuscu-  
lum exhibeo. Quod cum an-  
tiquitatis studio, eruditione-  
que delecteris Tibi haud iniun-  
cundum fore existimo. In  
hoc si eruditos oculos flecte-  
re, Meque patrocinio tuo fo-  
uere non dedignaberis, Vete-  
ribus Titulis nouum hoc be-  
neficium accedet. Vitæ meæ  
reliquum usquequo fatà dis-  
pungant, tibi religiosissimè addi-  
ctum

*Etum erit ; Deumque continua  
supplicatione laceffam, ut Tu  
qui Scientiarum decori, Ar-  
tium tutela, Patriæque orna-  
mento vivis,*

*Illicos equare senes aut  
vincere possis.*

*Dominationis Tuae Illu-  
striss. & Excellentiss.*

*Addictissimus.*  
**D. Innocentius Cæsius.**

**NOS**

NOS D. IO. BAPTISTA

A' B R I X I A

*Abbas, & Præfident Congregat.  
Casinen.*

**C** Vm Opus, quod inscribitur *De  
Antiquis Romanorum Ritibus* ab  
Adm. R. P. D. Innocentio à  
Mantua Monasterij S. Benedi-  
cti in Padolirone Priore Claustrali elu-  
cubratum, Reuerendiss. P. D. Grego-  
rius à Mutina Abbas S. Benedicti Mi-  
litelli, & D. Constantinus à Thine no-  
stræ Congregationis Theologi à Nobis  
Deputati, recognouerint, & in lucem  
edi posse censuerint, vt Typis mandari  
possit facultatem nostram tribuimus,  
si cæteris, quorum interest, videbitur.  
Datum Brixiae in Monasterio S. Fau-  
stini die 4. Septembris 1698.

D. Io. Baptista à Brixia Præ-  
fident Congreg.

L. ✥ S.

D. Petrus à Toffia Procanc.  
Vidit

**Vidit D. Sebastianus Giribal-  
dus Cleric. Regular. S. Pau-  
li, & in Ecclesia Metropoli-  
tana Bonon. Pœnitent. pro  
Eminentissimo, & Reueren-  
dissimo D. D. Iacobo Bon-  
compagno Archiepiscopo, &  
Principe.**

*Imprimatur*

**Fr. Claudius Iunius Prouicarius  
S. Officij Bononiæ.**

**TRA-**

# TRACTATVS

## DE ANTIQVIS ROMANORVM

RITIBVS.

CAPVT PRIMVM.



*De Natiuitate, & educatione  
Infantum.*



Eteres non statim ac  
puer natus erat pro vi-  
tali partu ipsum habe-  
bant, sed aliquos dies  
expectabant, quibus puer conti-  
nuo vitalium operationum exer-  
citio fidem faceret se verè vi-  
uentem esse, vt testatur Casau-  
bonus in comentarijs. Ad Per-  
fium.

Ali-





Aliquibus ergo diebus transactis lustrabatur infans, quod quinta die factum fuisse dicitur, qui dies lustricus appellabatur.

Hoc autem munus obibant vetulæ materteræ, vel cognatæ, eo quia essent in omnibus superstitionis ritibus optimè instructæ.

Sic autem lustrabatur infans. vetula matertera, vel cognata salivam ad labra, oculos, & frontem infantis admouebat, hocque peragebat infami digito, scilicet medio. Nec solam salivam adhibebat, cui magna virtus inesse existimabatur, sed pulverem sputo turbatum videlicet lutum; nec ullæ fiebant expiationes sine luto, vel proprio sputo confectio, vel è balnearum cellis petito.

Eo-

Eodem quoque die ad Parentes deferebatur puer, & vota pro eodem concipiebantur, quod præstabat matertera alba veste induta.

Hæc omnia lepidissimis sanè carminibus indicat Persius Satyr. 2.

*Ecce Auia, aut metuens Divum  
matertera cunis*

*Exemit puerum, frontemque,  
atque vda labella*

*Infami digito, & lustralibus ante  
saliis*

*Expiat, vrentes oculos inhibere  
perita.*

*Tunc manibus quatit, & spem  
macram supplicet voto*

*Nunc Licini in campos, nunc  
Crassi mittit in Aedes.*

*Hunc optent Generum Rex, & Re-  
gina; puella*

A 2

Hunc

4 *De Antiquis*

*Hunc raptant : quicquid calcaue-  
rit hic, rosa fiat.*

*Ast ego Nutrici non mando vota;  
negato*

*Iupiter hac illi, quamuis te alba-  
ta rogarit.*

Lustrico etiam die, Casaubono teste, infanti nomen imponebant, quod nisi precedentibus augurijs præstare vnquam consueuerunt. Sed præcipuè plura luminaria solebant accendere, vnumquodq; quorum proprio nomine donabatur, & nomen eius, quod cæteris extinctis superuixisset, arripiebant, & imponebant infanti.

Nato etiam puero sacrificabant Naturæ Deo, videlicet Genio, eo quod cuicunque homini nascenti proprium genium deputari existimarent. Vnde Horatius lib. 1. Ep. 2.

*Sic*

*Romanorum Ritibus. 5*

*Sic Genius natale comes, qui temperat Astrum.*

*Nature Deus humana mortalis  
in unum*

*Quodque caput.*

Celebrabatur quoque à familia dies festus, qui, asserente Turnebo, appellabatur *amphimia*, quæ natum puerum circa focum ferebant, & amici, ac familiares dona dabant.

Habebantur etiam conuiuia inter Parentes, & amicos, quæ Conuiuia vult Turnebus, *Repotia*, fuisse appellata. Licet Festus pro Repotijs intelligat conuiuia, quæ habebantur secundo die post Nuptias, quo apud nouum Maritum cænabatur, & alij intelligant septimum diem à Nuptijs, quo iterum epulabantur. Dicit autem Turnebus con-

A 3 ui-

uiuia in puerorum ortu celebra-  
ta dicta fuisse Repotia, eo quod  
cum Maritis noua quot annis  
propè soboles nascatur, reno-  
uanda sit epulatio. Quod etiam  
videtur innuisse Ausonius sic  
scribens:

*Coniugioque dapes, & sacra re-  
potia Patrum.*

Solemne erat Parentibus, as-  
ferente Lubino in Coment. ad  
Iuuenal. nascentibus sibi liberis  
arbores inferere, uina reconde-  
re, ac similia ad memoriam ata-  
tis facere. Apud Lacedemo-  
nios autem natus infans non de-  
ferebatur ad parentes, sed ad  
locum quemdam nomine *Leschen*  
in quo aliqui Iudices statum di-  
ligenter spectabant, qui si in  
membris bene compactus, ac ro-  
bustus erat, tolli iubebant, ei-  
que



que sortem inter milites assignabant. Si autem imbecillis, ac debilis reperiebatur, ad locum quemdam voraginosum mittebant, quem Apothetas appellabant, ubi natum puerum Nutrices non aqua, sed vino abluebant, putabant namque quod si robustus esset, mero robustior euaderet, si flacidus flacidior. Nullis fasciis utebantur, sed pueros omnium ærumnarum generibus exponebant, ut laboribus assuescerent, quod testatur Lubinus in Coment. Iuvenal.

Crescentibus annis pueri ad Dianæ Aram, referente Plutarco, loris flagellabantur, usque dum sanguis erumperet, & multi quidem nec ingemiscebant, quibus utpotè fortiori animo prædictis adblandiebantur. Hoc-

que præstabant, vt affuescerent laboribus vulneribusque perfrendis.

Puelle quoque apud Lacones, referente Lubino, corpora cursu, lucta, telorum, ac discorum iactu alijsque laboribus exercebant, vt in valentibus corporibus robustior foetus efformaretur. Et puerperij dolores facile paterentur.

Apud Gymnosophistas, referente Apuleio Florid. lib. i, Adolescentes nullam prorsus artem colebant, sed ad litteras tantum iubebantur incumbere. Vbi Mensa apposita erat, antequam apponerentur edulia, adolescentes omnes conueniebant; interrogabantque eos Magistri quid boni factum ab ortu Solis vsque ad illud diei, & vnusquisque

que quod fecerat adducebat;  
Qui nihil egerat impransus fo-  
ras extrudebatur.

Puerilia ornamenta apud Ro-  
manos erant Bulla, & prætex-  
ta, vt habetur ex Lubin. in Iu-  
uenal. Primus quidem Bulla, &  
prætexta donatus fuit Tarqui-  
nij Prisci filius, eo quod in bello  
se viriliter gessisset, deinde eua-  
sit communis omnibus pueris,  
quorum parentes Magistratum  
currētem gessissent. Libertino-  
rum vero Filij lorum in collo  
pro bullæ figura gestabant.

Hæc autem Bullæ ab Ephe-  
bis cum ad maturiorem ætatem  
peruenissent, Veneri dicabatur.  
Sicuti eidem Deæ à Virginibus  
iam pubertati vicinis offereban-  
tur Pupæ, quædam videlicet  
puellares imagunculæ, quibus

Virgines in prima pueritia lufitare solebant. Ad quam consuetudinem respexit Persius Satyr. 2.


*Nempe hoc quod Veneri donata  
à Virgine Pupa.*

In Pueris, ac puellis antiqui nigros oculos nigrosque capillos in non minima laude ponebant. Vnde Catullus in carmine contra Acmen sic habet.

*Salve nec minimo puella naso  
Nec bello pede, nec nigris ocellis.*

Et Horatius de Lyco puero canit.

*Et Lycum nigris oculis nigroque  
Crine decorum.*



C A P V T II.

*De Vestibus Antiquorum.*

**N**On nulla hic tradam de Antiquorū vestibus præsertim Romanorum; omnia enim latè ac diffuse explicare, & longæ paginæ opus esset, & extra aleam instituti mei.

Primum ergo occurrit habitus Deorum, qui in terram descendentes fingebantur amicti veste ex alba nube contexta. Vnde Deos quoque precaturi alba veste induebantur. Quod respexit Persius Satyr. 2.

*Negato*

*Iuppiter hac illi quamvis te alba-  
ta rogarit.*

Vestes interiores apud Ro-  
A 6 ma.

manos erant tunicae sic dictae à  
tuendo corpore . Tunica om-  
nium intima dicebatur illa, quam  
hodie lineam adhibemus . De  
qua Ovidius 2. Amor :

*Sic etiã tunica tangitur illa sua .*

Alia erat tunica , quæ media  
dici potest, cuiusmodi est ferè tu-  
nica lanæa rubra, vel alba , qua  
brumali tempore utimur , vulgò  
camiscola .

Erat, & alia tunica , quæ his  
super induebatur Gallis voca-  
buli Græci vestigia retinentibus  
dicta *Hocqueton*, quasi ὁ κρητὼν .

Super imponebant Tunicis  
Romani Togam quæ erat vestis  
lata vsque ad talos porrecta .  
Vnde Romani Togati diceban-  
tur . Virgil *Æneid* .

*Romanos rerum dominos , gen-  
temque Togatam .*

To-

**Toga** puerorum dicebatur prætexta, ita dicta quod purpura prætexebatur, qua Toga utebantur etiam Magistratus. Togam hanc deferebāt Pueri nobiles tantum, quorum Patres gessissent Magistratum curiilem. Ea utebantur usque ad annum decimum septimum, quem attingentes ea deposita sumebant togam virilem, tanquam non pueriliter, sed viriliter vita esset illis peragenda. Ideo autem ingenuis pueris attributam existimant Togam prætextam, ut ex purpuræ rubore ingenui pudoris admonerentur. Bullam quoque auream collo pendentem Adolescentes nobilium deferebant. Libertinorum vero filiorum in collo pro bullæ figura gestabant.

Pri-

Primus autem, ut dixi, bulla, & prætexta donatus fuit Tarquinij Prisci Filius, eo quod in bello se viriliter gessisset, à quo postea in cæteros hæc insignia dimanarunt.

Senatores utebantur tunica, quæ laticlavia appellabatur. Vnde Valer. lib. 5. *Et Tunica laticlavia donatum ad Massinissam remisit.*

Inferiores verò dignitate alia tunica utebantur, quæ dicebatur angusticlavia, & etiam arctum lumen purpuræ, ut vult Turnebus Aduersar.

Summi ædiles, præfecti scilicet theatrorum Municipaliū tunicam albi coloris induebant. albus enim color honestissimus habebatur, & libertatis signum.

Effeminati Viri utebantur quadam



dam toga pellucida facta ex  
mollissimo serico multi coloris,  
quæ *multitia* appellabatur: Vnde  
Iuuenali Sat. 2.

*Non facient alij cum tu multitia  
sumus Critice.*

Milites supra tunicas indu-  
ebant sagum genus quoddam ve-  
stis breuioris. Lacerna quoque,  
teste Casaubono in Persium, erat  
Pallium fimbriatum, quo olim  
soli milites utebantur.

Qui exercitiis præerant ute-  
bantur sagis coccineis. Lace-  
demonij verò omnes milita-  
bant sagulis rubris. Quod au-  
tem Sagum fuerit vestis non  
solum propria Gallorum, sed  
etiam adhibita à Romanis in bel-  
lo: præterquam ab optimis  
Scriptoribus traditur colligitur  
etiam ex Horatio, qui fugien-  
tem

tem Antonium describens ait.

*Terra mariq; victus hostilis pu-  
nico*

*Lugubre mutauit sagum.*

Casaubonus in Persium vult etiam fuisse quædam ornamenta virorum *Portium*, quæ dicebantur *Phalera*, & quia cum ea aliquis fuisset consecutus insolentiùs se iactare solebat, hinc fuit factus locus prouerbiali locutioni, qua res inanes, & fastuosæ phaleræ dicerentur. Vnde Persius.

*Ad Populum phaleras, ego te in-  
tus, & in cute noui.*

Lubinus coment. in Iuuenal. asserit fuisse etiam quædam vestes peregrinas datas Victoribus pro victoriæ præmio, & colpendentes quas dicit appellatas fuisse *Niceteria*. Sed puto Nice-

teria fuisse quidem ornamenta  
Victorum, sed dubito an fuerint  
vestes, crediderim enim potius  
fuisse veluti torques; Quod con-  
firmatur ex Iuuenali Satyr. 3.

*Fert Niceteria collo.*

Sic dicta à verbo greco *νικτώ*  
quod latinè sonat vinco.

Mulieres Romanæ utebantur  
etiam ipsæ interioribus tunicis  
sicuti & viri, sed oblongis, &  
tallaribus. Vnde Martialis in  
Lesbiam.

*Pradicant miseram Lesbiam  
Tunica.*

Tunica autem omnium inti-  
ma, quæ loco illius, quæ vulgò  
hodie camiscia, habebatur à mol-  
lioribus foeminis, adeo subtilis  
deferebatur, vt nebulæ tenuita-  
tem emularetur, & hanc pellu-  
cidam posuit Petronius.

*Palano.*

*Palam prostare nudam in nebula  
linea.*

Super tunicas, vestem usque  
ad imos pedes tendentem Ma-  
trona Romana induebant, cuius  
extremam partem ambibat in-  
stita, quæ erat fasciola quædam  
siue lymbus Ouid. in Am.

*Quæque regit medios instita lon-  
ga pedes.*

Hæc autem vestis stola dice-  
batur. Matrona in adulterio  
deprehensa vna cum dignitate  
matronali ius stolæ amittebat,  
& aliud sumebat amiculum quod  
togam appellabant. Et in hoc  
distinguebantur Matronæ me-  
chæ à Meretricibus, quod Ma-  
trona mechæ alba, meretrices  
vero pulla toga utebantur, & il-  
larum toga protensa erat usque  
ad talos, istarum vero erat succin-  
ctior.

Spon-

Sponsarum habitus erat vestis longa fimbriata lutei coloris, quam super tunicas inducebant. Segmenta etiam erant ornamenta nouiter Nuptarum. Segmenta autem ab aliquibus interpretantur monilia ex auro, & gemmis confecta; Ab aliquibus vero accipiuntur pro ipsis vestibus minutis auri, gemmarum, purpuræ alteriusve materiæ pretiosæ segminibus contentæ, quæ dicebantur segmentatæ vestes, nobis sunt, quæ vulgo dicuntur *ricamate*, quas volunt fuisse proprias nouiter Nuptarum.

Flameum erat quoddam genus veli lutei, siue crocei coloris, quod à nouis Nuptis gestabatur. Sic dictum quod eo assidue utebatur Flamminica idest  
Flam-

flamminis Vxor. Et quia  
 flammini non erat! permissum  
 cum vxore diuortium facere, in-  
 stitutum fuit, vt etiam nouæ Nu-  
 ptæ hoc amiculi genere vteren-  
 tur boni ominis causa, in si-  
 gnum videlicet indissolubilis co-  
 niugij. Omnia hæc nouis Nu-  
 ptis attribuit Iuuenal. Satyr. 1.

*Segmenta, & longos habitus, &  
 flammea sumit.*

### C A P V T III.

*De Conuiuijs Antiquorum.*

**C**onsueuerunt Veteres præ-  
 fertim Romani, ne par-  
 tem aliquam solido demerent  
 le die, sed totum publicis, pri-  
 uatisque negotijs impenderent,  
 corporis refectiorem in Vesp-  
 am vsque differre; Quo tem-  
 pore

pore amici cognatique se se inuicem liberiùs inuitabant, vt festiuiùs hilaritati voluptatiq; indulgerent.

Inclinato igitur in Vesperandie, non solum oblonga tabula verum etiam tricliniaries lecti in quibus iacentes cenabant splendide parabantur. Hos lectos ex citrinis tabulis fuisse contextos ferunt quam plures, vt illarum fragrantia, & Conuiuarum voluptati, & tetro ciborum odori expellendo consultum esset.

Antequam discumberent vestem, qua erant super induti exuebant, vestiebantque aliam moliozem, & coloris exquisitioris, quam fuisse Hyacinthinam tradunt nonnulli; eo quod Hyacinthinus color in delicijs fuerit

rit habitus. Quo respexit etiam  
 Persius Satyr. 1.

*Hic aliquis cui circum humeros  
 hyacinthina lana est.*

Manus indè non solum verùm  
 etiàm pedes abluebant, vndè  
 vetus illa discendi forma *Aqua  
 pedibus, Aqua manibus*, qua Ve-  
 teres nullo adiecto verbo ad po-  
 stulandam ante conuiuia aquam  
 utebantur.

Mox vnguentis se dilinibant,  
 coronasque ex floribus compa-  
 ctas capitibus imponebant, tum  
 voluptatis causa, tum quod cre-  
 derent odorem ebrietatem  
 impediri. Huc sane videtur res-  
 pexisse Catullus dum amicum  
 suum Fabullum ad Coenam in-  
 uitans dicit.

*Nam vnguentum dabo, quod mea  
 puella*

Do-



*Romanorum Ritibus. 23*

*Donarunt veneres cupidinesq;*  
Et etiam Horatius ait:

*Cur non sub alta, vel platano,  
vel hac*

*Pinu, iacentes sic tenerè, & rosa*

*Canos odorati capillos*

*Potamus vincti.*

His coronis apium permixtum erat, vel quia ebrietatem expellere existimabatur, vel, quod potius crediderim, ut inter delitias etiam se mortales esse recordarentur; cum apium ad sepulchra coronanda fuerit adhibitum.

In conuiuijs certè mortis mentionem fuisse factam colligitur ex Petronio, qui in Satyris suis describens lautam Trinalchionis coenam ait, seruum laruam argenteam attulisse, sic aptatam, ut articuli eius vertebræq;  
la-

**laxatæ in omnem partem verte-  
rentur. Qua visa Trimalchio  
exclamauit.**

*Heu, heu nos miseros quàm totus  
homuncio nihil est*

*Sic erimus cuncti postquam nos  
auferet Orcus*

*Ergo vinamus dū licet esse benè.*

**Ex quo pariter patet Veteres  
hoc non præstitisse moderatio-  
nis, aut temperantiæ causa, sed  
potius, vt genio ac voluptati li-  
berius indulgerent, cum se ali-  
quando moriturus esse memi-  
nissent.**

**Conuiualibus hisce coronis  
non nunquam etiam auiculas  
quasdam alligare consueuisse  
tradit Festus, quarum cantu as-  
siduo, & crebris rostri, vnguim-  
que puncturis efficeretur, ne ipsi  
inter pocula obdormirent.**

**Vn-**

Vnguentis igitur delibuti coronisque redimiti ità accumbabant, Terentio teste, vt capite leuiter erecto, suffulto plumis dorso, reclinata in læuum cubitum ceruice, infera vero in longum porrecta, nec iacere dici possent, nec sedere, sed medium quid, quod propriè accumbere dictum est.

Incipiebat oëna ab ouo, finiebat ad pomum, vnde vetus illud vulgatumq; dictum ab ouo ad malum, ab initio videlicet ad finem mensæ.

Lauta autem illa censebantur conuiuia, in quibus vno ablato ferculo semper alia, & alia melior esca succederet, & præcipuè repositorium cum integro, sed tenello sue circa conuiuij medium adferi solebat vt ex eo-

B                      dem



dem Petronio compertum est. Nullam verò auem præter ficedulam totam comedendam esse putabant. Cæterarum auium, atque altilium nisi tantum adponeretur, ut à cluniculis inferiori parte saturi fierent, conuiuium existimabant inopia for-

Solebant inde talorum iactu vnum aliquem creare, qui præscriberet quantum quisque, & quomodo temperatum biberet, quem Greci *συμποσίαρχον*, aut etiam *Βασιλέα* vocabant. Horatius *bibendi arbitrum* dicit.

*Quem Venus arbitrum  
Dicet bibendi.*

Et Varo *Modiperatorem* appellat.

Pocula ministrabant pueri comati, eximiè culti, elegantisque  
for-

formæ. Poculi minister à Grecis dictus est *ειροχόος* à Latinis *Pocillator*. Procedente conuiuiο maioribus semper poculis, & vina generosiora bibebant. Vtrumque habet Catullus.

*Minister vetuli puer Falerni  
Ingere mi calices amariores.*

Vinum non solum percolatum, verum etiam decoctum, vt omnem deponeret austeritatem, in delitijs habebant. Illudque in amphoris varijs notis signatis asseruabant; Quare delicatius vinum poscentes dicebant de meliorinota.

Amphoris quoque solebant inscribere nomina consulum, quorum tempore vinum fuerat ex vuīs expressum, & quo erat antiquius, eo prætiosius habebatur. Quare Petronius in ea-

B     a     dem

dem Trimalchionis coena ait allatas fuisse amphoras vitreas diligenter gypsatas, quarum inceruicibus pittacia erant ad fixa cum hoc titulo. *Falernum Optimum annorum centum.*

Vnguentum quoque mixtum fuisse, vel ante potum in amphora, vel in ipsa portione, asserit Teophrastus. Vnde amphora Nardini, vel vinum Nardinum dicebatur, in quo Nardus erat permixtus.

Sermo in conuiujs versabatur, vel circa claros illustresque viros, quorum, festis præcipuè diebus fiebat mentio, vt Torrentius tradit. Vnde summa Augusti laus fuit Romanos ipsū non festis tantum, sed etiam profestis diebus, non solum in publicis sed in priuatis etiam con-

conuiujs celebrasse. Vel vnusquisque suos proponebat amores. Solebant enim teste Mureto in *Commentarijs Catulli* sortiri quo quisque ordine amores suos narraret. Apud Romanos hæc etiam viguit consuetudo, vt aliquis vel memoriter, vel de scripto non nulla alicuius Poetæ carmina recitaret, vnde conuiujs fabulandi ansa, atque materia præberetur. Consuetudinem hanc expressit *Persius Satyr. 1.*

*Ecce inter pocula querunt  
Romulidæ saturi, quid Dia Poemata narrent.*

Sublata prima mensa secunda apponebatur eleganter apparatus cum pomis. Vinum tunc promptum exquisitissimum, libatumque illi, vel Deo, vel

B 3 ho-

homini, quem quisque sibi propitium optabat. Vnde Horatius habet.

*Et alteris*

*Te mensis adhibet Deum.*

E conuiuio discessuri iterum Ioui seruatori libabant, & ituriam cubitum vltimum supremumque poculum somni quietisque Præsidi Mercurio libabant.

## C A P V T I V.

*De Nuptijs Veterum Rom.*

**A** Pud Romanos Virilis fortunæ templum erat extra Urbem ad Tiberis ripam, ad quod mulieres, quæ dabantur nuptui frequentes ventitabant, ut corpore inuelato singula mem-



*Romanorum Ritibus. 31*

membra, ne quo morbo vitioq;  
affecta forent, aut labe aliqua  
tenerentur detegebant. Huius  
meminit Ovidius Fast.

*Discite nunc, quare fortuna thura virili*

*Detis eo gelida, quo locus humet aqua*

*Accipit ille locus posito velamine cunctas,*

*Et vitium nudi corporis omne videt.*

*Vt tegat hoc celetq; viros fortuna virilis*

*Præstat, & hoc paruo thure rogata facit.*

Nupta tegebat caput quodam  
velamine rubeo quod flameum  
dicebatur. Vnde Catullus in  
Nuptijs Iuliæ, & Manlij ait *Flameum* cape. Hoc autem fiebat  
ad indicandum pudorem ut vult



**Festus** , & boni ominis causa ,  
quod eo assiduè utebatur Fla-  
minica idest Flaminis vxor ,  
cui non licebat facere diuor-  
tium.

**Color** quo utebantur in Ve-  
stibus nuptialibus erat luteus.  
**Idem Catullus ibidem.**

*Nineo gerens*

*Luteum pede socum.*

**Cingulo** etiam noua nupta  
præcingebatur , factio ex lana  
ouis , vt vult Festus , vt sicut illa  
in glomos sublata , coniuncta , ac  
compacta inter se sit , sic vir se-  
cum cinctus vinctusque esset.  
**Hoc cingulum Herculano nodo**  
**vinctum** Vir soluebat in lecto  
ominis gratia , vt sic ille felix es-  
set in suscipiendis liberis , vt  
fuit Hercules , qui septuaginta  
liberos reliquit **Catullus.**

*Quod*

*Romanorum Ritibus. 33*

*Quod Zonam soluit diu ligatam.*

Dum egrediebatur noua Nupta, e domo Parentum Pueri, & puellæ carmina canebant, plena omni licentia in quibus carminibus inuocabatur hymeneus nuptiarum Deus, vt faustus adesset, vnde sæpissime eius nomen repetebatur, & inuitabatur nupta, vt domo prodiret. Vnde Catullus.

*Sed moraris abit dies*

*Prodeas noua Nupta.*

Ante nuptam præcedebant puericum tedis, & facibus, eo quod nisi noctu celebrarentur Nuptiæ, noctuque Nupta in domum viri duceretur. Erat autem nuptialis teda facta ex alba Spina, vt testantur Festus, & Plinius, idque quoniam in Sabinarum raptu, qui felicissime cess-

B

5

fit

fit talibus etiam tedis pastores  
vsi essent Catullus.

*manu*

*Spineam quate tedam.*

Quinque autem facibus utebantur in Nuptijs, quod is numerus quasi symbolum quoddam sit Nuptiarum, ut qui ex primo impari, & primo pari tanquam ex mare, & foemina constet.

Eas faces qui præferebant, *δαδυκοι* à Grecis à Latinis fortasse olim pueri lauti dicebantur; Quod suspicari licet à versiculo Plauti, qui est in Cucurlione; ubi feruus adolescenti eunti de nocte ad amicam, cereumque manu ferenti ita dicit: *Tute tibi puer es lautus luces cereum.*

De his facibus meminit Catullus.

*Tol.*

*Romanorum Ritibus. 35*

*Tollite ò pueri faces.*

**Cum** peruenisset Nupta ad Domum Sponsi cauebatur ne ingrediendo hostij limen tangeret, hoc enim ominosum habebatur præcipuè in nouis Nuptis. Vnde Plautus.

*Sensim super attolle limen pedes  
noua Nupta.*

**Et** Lucanus lib. 2.

*Tralata vetuit contingere limi-  
na planta.*

**Et** Catullus de Nuptijs Iuliæ,  
& Manlij.

*Transfer omine cum bono  
Limen aureolos pedes  
Rasilemq; subi forem.*

**Patrimi, & Matrими Prætex-**  
tati, vt docet Festus nubentem deducebant, vnus qui præferebat facem principalem ex spina alba, vt supra dixi, & duo, qui

**B 6**      **tc.**

tenebant Nubentem quod expressit Catullus.

*Mitte brachiolum teres.*

*Prætextate puellule.*

A mulieribus inde, quæ uni tantum, Viro nupsissent, quæ pronubæ dicebantur nova Nupta in lectum transferebatur. Idem Catullus.

*Vos unis senibus bona*

*Cognita benè fœmina*

*Collocate puellam.*

Ad hanc postea ingrediebatur vir, & ad illam iam in lecto locatam coram omnibus accedebat. Interim à puellis, & pueris canebantur carmina fescennina omni licentia plena, & hoc carmen propriè dicebatur epithalamium, & interim vir nuces spargebat. Idem Catullus.

*Da*

*Da Noces pueris iners*

*Concubine.*

Quare autem id fieret consule Muretum in Comentar. Catulli ubi causam doctè, ac discretè adducit.

Bonos filios postea Sponsis augurantes omnes discedebant ostium claudentes. Qua de re idem Catullus habet.

*Claudite ostia virgines*

*Lusimus satis, at boni*

*Coniuges benè viuite, &*

*Munere assiduo valentem*

*Exercete iuuentam.*

Sequenti die post Nuptias habebatur conuiuium in domo Viri, nam ipso Nuptiarum die cenabatur apud Parentes Nuptæ. Illud autem conuiuium appellabatur repotia, ut vult Festus.

CA.

## CAPUT V.

*De Cultu Dÿs exhibito.*

**V**Eteres summa religione Deos venerabantur. In adorationis autem ritu manum ori admouere solebant, ac tum demum versus illum, quem adorabant, aut salutabant, porrigebant, quod dicebatur oscula iacere, & basia iactare, & acius ille osculum labratum etiam appellabatur.

Aurigæ vero loco dextræ osculabantur flagellum dextera apprehensum, atque hoc modum ante Deorum Simulacra transibant, eadem venerabantur.

Hoc autem sæpe accidebat, Gentibus namque in more positum

tum



tumerat lapides in agrorum finibus designandis positos pro dijs colere, quos terminales Deos, siue terminos appellabant; constabantque isti vel ex vno lapide effigiato, vel ex congerie multorum lapidum, vt docet Lubinus in Com. ad Iuuenal. Simulacra ista vnguentis deliniebant; & florum coronis exornabant. Quam consuetudinem his carminibus expressit Tibullus.

*Nam veneror, seu stipes habet desertus in agris*

*Seu vetus in triuio floridaserta lapis.*

Fiebant etiam acerui lapidum in honorem Mercurij, quos vocabant statuas Mercurij quadratas ad itinera demonstranda, quos aceruos viatorum quisque præ-

prateriens crebro lapidum iactu  
augebat. Lubinus ad Iuuenal.

In locis autem alicui Deo sa-  
cris pingebatur anguis, qui  
erat Symbolum indicans locum  
illum sacrum esse, summa nam-  
que impietas habebatur apud  
veteres in loco sacro vrinam fa-  
cere, vel illum alio imunditia-  
rum genere deturpare. Quo res-  
pexit Persius. Satyr. I.

*Hic inquis veto quisquam fa-  
xit oletum.*

*Pinge duos angues, pueri, sacer,  
& locus extra Mente.*

Tanta religione Deos vene-  
rabantur veteres, ut nihil in  
conuiuio tangerent, nisi prius  
illud Laribus dijs libassent. Quod  
etiam faciebant de primitijs se-  
getum, & fructuum, quas dijs  
offerebant. Vnde vetus illud di-  
ctum

*Quum Ante Laris gustet.* Turne-  
bus Aduers. Maiores Dij aurea  
barba donabantur, quam detra-  
here, vt fecit Dionysius Tyran-  
nus summa impietas habebatur.  
Vnde Persius Sat. 2.

*An quia non fibris Ouium Ergen-  
naq; iubente*

*Triste iaces lucis euitandumque  
bidental*

*Idcirco stolidam tibi præbet vel-  
lere barbam Iupiter?*

Solebant etiam simulacra,  
Deorum oleo, aut vnguento  
perfundere. Vnde vnctus lapis  
apud Adrianum Turnebum Ad-  
uers. dicitur Simulacrū Deorum.

Votū verò suum nuncupatum,  
& in cartha conceptum conscri-  
ptumque Deorum genibus cera  
obsignatum adfigebant vnde Iu-  
uenal. Satyr. 10.

*Pro-*

*Propter quæ fas est genua incera-  
re Deorum.*

Mos erat, vt qui primùm in-  
gredirentur Ciuitatem, aut re-  
gionem aliquam, vel ad eam ex  
interuallo reuerterentur, reli-  
giosè eam salutarent: idque  
quoniam cuiq; loco suum quem-  
dam Genium preesse arbitra-  
bantur. Itaq; Pitagorici homi-  
nes pro diuersitate locorum di-  
uersam fortunam sortiri arbitra-  
bantur pro vt videlicet cuiusq;  
loci genio cuiusq; hominis ge-  
nius conueniret. Vnde Virgil.

*Ignarus Genium ne loci famulus-  
mne parentis esse putet.*

**Idem alio loco.**

*Sic deinde effatus frondenti tem-  
pora ramo*

*Implicat, & Geniumq; loci pri-  
mamq; Deorum*

*Tel-*

*Tellurem, Nymphasq; & adhuc  
ignota precatur Flumina.*

**Et Ovidius.**

*Cadmus agit grates peregrinaq;  
oscula Terræ*

*Figit, & ignotos montesq; agros-  
ue salutat.*

**Et Catullus.**

*Salve o Venusta Sirmio atque Ne-  
ro gande.*

**Soli nullum simulacrum cum  
Dijs alijs ne constitueretur san-  
xit Antiquitas Summus enim  
Deus nataque ex eo mens, ficu-  
ti supra animam, ita supra natu-  
ram sunt, quò nihil fas est de fa-  
bulis peruenire Macrobius in  
Som. Scip. cap. 2. lib. 1.**

**Tanta Sacris locis veneratio  
habebatur, vt pēcunias, testa-  
menta, & cætera pretiosiora in  
templis referuarentur, & præ-  
ci-**

cipue in vestali. Putabant enim neminem tam sacrilegum esse, ut ea violare auderet. Casaubonus in Persium.

## CAPVT VI.

### *De Sacrificijs.*

**S**acrificia præcipuè fiebant in templis. Hæc autem licet à primis hominibus in Lucis, ac nemoribus, & locis maximè solitarijs condita fuerint: Postea in Ciuitatibus etiam, ut crebro hominum concursu frequentarentur quàm magnificè condita fuere.

Antequam autem sacrificarent se lauare solebant in aqua viui Fluminis. Vnde Persius Sat. 2.

*Hæc*

*Romanorum Ritibus. 45*

*Hac Sanctæ ut poscat Tiberino  
in gurgite mergit*

*Mane caput, terq; & noctem flu-  
mine purgat.*

**Et Iuvenal. Satyr. 6.**

*Ter matutino Tiberi mergetur,  
& ipsis*

*Vorticibus timidum caput abluet.*

Sacrificia peragere licet ad  
Sacerdotes propriè spectaret.  
qui Sacerdotes erant viri magni  
natus, rerum sacrarum peritissi-  
mi, qui teste Lubino in Iuene-  
nal. *Mystæ* dicebantur. Proprijs-  
simè tamen erat munus Pontifi-  
cis, qui proinde Pontifex Sacro-  
rum dicebatur.

Summa autem erat Pontificis  
dignitas, illique soli in Capito-  
lium Carpentis ascendere licuit  
teste Tacito lib. 12. & Alexan-  
dro ab Alex. Genial. dierum  
lib.

lib. 2. Eodemque asserente lib. 2. cap. 8. ante fores Pontificum, sicuti & Imperatorum viridis laurus videbatur affixa, & cum cæteri honoribus functi rationem administrati muneris reddere cogerentur, Pontifex tamen Maximus pro Maiestate gesti honoris rationem dare minimè cogi poterat.

Non solum ab omni sanguine decuisse Pontificem puras manus servare asserit Livius lib. 2. sed neque participem quidem, aut conscium alicuius necis fieri. Quin imò asserente Servio in 6. Æneidos cadauer videre eidem nefas fuit, ne quid triste aut lugubre oculis acciperet. Nec iurare per Filios illi licebat. Per Deos verò permissum fuit.

Ad sacrificia alba vestis adhibe-



hibebatur. Matronæ verò in sacrificijs, & supplicationibus utebantur quadam vitta propria Matronarum, & pudoris insignæ. Muret. in Coment. Catulli.

Religiosè cauebant veteres ne quid dictu, factuque inauspicatum accideret inter sacra. Quare admonebantur, ut malis verbis parcerent, & præco clamare solebat *hoc age*, ut si quis minus attentus esset totum se dæderei Diuinæ admoneretur. Vnde Tullius de diuinatione lib. i. sic habet. *Neque solum Deorum voces Pythagorei observauerunt, sed etiam hominum, quæ dicunt omina; quæ maiores nostri quia valere censebant, iccirco ominibus rebus agendis. QVOD BONVM, FELIX, FORTVNATVMQVE prefabantur, rebusq;*  
*Diui*

*Diuinis quæ publicè fierent ut fauerent linguis imperabatur.*

In sacrificijs etiam verbenæ cingebantur altaria, eademque capita coronabant imolantes. Vnde Cicero in Ver. Sacerdote cum infulis, & Verbenis, & Hor. lib. 1. Ode 19.

*Hic vinum mihi cespitem hinc  
Verbenas pueri ponite thuraq;*

*Bimi cum patera meri*

*Pacata veniet mitior hostia.*

Verbenæ autem nomine venit non solum herba sic appellata, sed frondes quæcunque, & herbæ ad aras coronandas ex puro loco decerptæ, Verbenæ quasi Herbenæ appellantur, ut notat Donatus in locum illum Andriæ Tefrentianæ *Ex ara verbenas hinc sume.* Quo profecto in loco Tefrentius non videtur in-

intellaxisse herbam illam quæ propriè vocatur verbena cum apud Menandrum *μυρσιν* hoc est mirtus legatur.

Hostia sacrificij coronis ornabatur, & præcipuè Tauri, quorum cornua auro pingebantur, & iugo, seu paxillo aureo vinciiebantur, vt notat Delrius in Comentar. Senecæ Trag. in locum illum *Ædip.* num. 137.

*Aureo taurus rutilante cornu*

*Labitur segnis.*

Admota Aris hostia, dum vota concipiebantur vinum, & mola eidem inspergebatur; unde idem Seneca in *Ædip.* ait.

*Huc properè admoue*

*Et sparge salsa colla taurorum  
mola.*

Quæ hostia si non abnueret neque reluctaretur, placideque

C

vul-



vultu admotas pateretur manus,  
stare dicebatur, & boni euentus  
erat indicium.

Thure inde adolebant alta-  
ria, & hostia comburebatur,  
quæ si statim flamma cõripere-  
tur, & conceptus ignis clarus,  
& nitidus recta via ad **Cœlum**  
tenderet, boni ominis erat indi-  
cium; secus verò erat signum  
ominis aduersi, si hostia non vno  
ictu concideret, & morti relu-  
ctaretur, & flamma concepta ex  
hostia fumo infuscata, ac obru-  
ta huc, illucque vagaretur; quæ  
omnia explicantur à Seneca  
Tragic. in **Ædipo** vbi **MANTO**,  
& **TIRESIAM**; tali pacto inter  
se inuicem alloquentes indu-  
cit.

*MAN. Opima Sanctas Victima ante  
aras stetit.*

*TIR.*

*Romanorum Ritibus.* 51

TIR. *In vota superos voce solemni  
voca.*

*Arasque dono thuris Eoi ex-  
true.*

MAN. *Iam thura sacris calitum in-  
gessi focis.*

TIR. *Quid flamma largas iam ne  
comprehendit dapes?*

MAN. *Subito refulsit lumen, & su-  
bito occidit.*

TIR. *Vtrumne clarus ignis, & niti-  
dus stetit?*

*Rectusque puerum verticem  
Caelotulit,*

*Et summam in auras fusus  
explicuit comam.*

*An latera circumserpit incer-  
tus via,*

*Et fluctuante turbidus famo-  
labat?*

MAN. *Non una facies mobilis flam-  
ma fuit.*

C

2

Pro-

Prosequitur tora illa Scen. 2.  
Ac. 2. ea omnia, quæ in immolatione hostiæ faustum, vel infustum omen præsignarent.

Nefas erat Sacra præsertim eleusina vulgare, quæ propterea noctu fiebant, & vinum non adhibebatur. Vnde Numenio inter Philosophos occultorum curiosiori offensam, Numinis quod Eleusina Sacra interpretando euulgauerit, somnia prodiderunt, ut refert Macrobius in Som. Scip. lib. 1. cap. 2. Viso sibi ipsas Eleusinas Deas habitu meretricio ante apertum Lupanar videre prostantes, admirantique, & causas non convenientis Numinibus turpitudinis consulenti, respondisse iratas, ab ipso se adyto pudicitiae suæ vi abstractas, & passim adeuntibus pro-

prostitutas. Hinc ortum habuit illud adagium *Cereris sacra vulgare pro nihil tacere.*

Veteres cum in rebus omnibus, tum in agricultura nihil illis optime successurum existimabant, qui Deorum cultum negligerent. Quibus proinde referente Turnebo primitias rerum omnium facrabant, dicebantque *ante Laris gustet.*

Adorabantur in Agris Dij termini, qui erant vñti lapides positi ad indicandos agrorum fines. Quibus ab agrorum possessoribus sacrificabatur aliquando agna, aliquando porca.

Flumina quoque referente Torrentio, Pro Dijs colebantur, & pingebantur eorum simulacra cum cornibus, quia mugitum habent sicuti boues, & eo-

C 3 rum

rum cornua coronabantur arundinibus, illisque vino, & floribus sacrificabant addita aliqua hostia.

Ab exercituum Ducibus cum victoriam ex hostibus retulissent postquam triumphali curru deuecti peruenissent ad Capitolium ibi alba bos, & indomita imolabatur, vel etiam aliquando Taurus albus. Victimæ etiā Minervæ, ac Victoriæ cædebant Victores, quod præstitisse Alexandrum narrat Curtius cum accepto in deditionem lisi mitro Scithiæ præfecto, ei imperium restituit.

Magæ nudis pedibus, & passo capillo sacra sua peragere solebant, ut asserit Virgilius 4. *Æneid.* Vnde à Seneca Tragic. in *Med. Ac.* 4. S. 2. Medea Sacris



cris operatura pede exuto inducitur.

*Tibi more gentis vinculo solvens  
comam*

*Secreta nudo nemora lustravi pede.*

Numa Romanorum Rex, Teste Liuius, duodecim statuit Sacerdotes, quos Salios appellauit quibus pictæ tunicæ insigne dedit, & super tunicam Æneum pectoris tegumen, cælestiaque arma, quæ ancilia dicebantur. Istos iussit per urbem ire canentes carmina cum tripudio, ac solemni saltatu.

Idem Numa, eodem asserente Liuius, Fidei solemne instituit. Ad eius sacrificium Flamines bigis curru arcuato vehi iussit, manuque ad digitos vsque inuoluta rem diuinam facere, signi-

C 4      fican-

ficantes fidem tutandam esse, sedemque eius in dexteris sacram Romæ quoque fiebant ludi turpissimi in honorem Cybelis eo die, quo lauabatur in Almonne Fluvio ante cuius lecticam, ut Augustinus scribit, turpissima quæque audiente multitudine utriusque sexus canebantur. Sacerdotes autem galli Cybellem incolentes sibi ipsis virilia adimebant.

Faciebant etiam veteres stucem tritici, faris, & Fabæ, seminis caparei, addito thure, ac vino, & hoc parabant in Porcæ præcidanæ immolationem, & Iano, Ioui, ac Iunoni immolabant, quam congeriem, ut docet Casaubonus in Persium, Fastum vocabant.

Baccho etiam sacra fiebant,  
quæ

quæ maxima, & occultissima religione venerabantur, & in eis reconditissima subesse mysteria autumabant, vt scribit Lambinus in illud Horatij lib. 1. Ode 18.

*Non ego te candide Bassarem  
Inuitum quatiā nec varijs obsti-  
ta frondibus*

*Sub diuum rapiam.*

In sacris autem Bachi, & Cybellis Tympana, Cymbala, & cornua adhibere solebant. Idem Horatius.

*Sena tene cum Bericinthio  
Cornu tympana.*

Bellonæ Sacerdotes, teste Lubino in Iuuenal. Rem Diuinam faciebant propriij sanguinis effusione, & tunc vulnerati, diuino quodam eius afflatu correpti, præsentia explicare, &

C 5      fa-



futura vaticinari existimabantur.

Bonæ Deæ mulieres tantum sacrificabant. Quare ante sacrificium elata voce pronuntiabatur *ite profani Viri*. Eidem autem porca prægnans mactabatur. Iuuenal.

*Atque bonam teneræ placant abdomine porca.*

Et Ovidius.

*Sacra bonæ maribus non adenda Deæ.*

Carthaginenses, vt scribit Curtius ab Urbis exordio vsq; ad illius excidium ingenium puerum Saturno sacrificabant, quod per aliquod tempus, & Tirij obseruarunt.

Persæ, teste Casaubono, in Sacrificijs victimam secare in partes, & diuidere inter se solebant

bant animam solam Dijs relinquentes .

Ægyptij Mercurio sacra faciebant die decima nona primi Mensis , in quibus mel , & ficus edentes dictitabant *dulcis veritas* , vt testatur idem Casaubonus . Ægyptijs namq; nunquam fas fuit pecudibus , aut sanguine , sed tantum thure placare Deos .

Athenienses Misericordiæ sacra faciebant , eidemque templum donarunt quod erat omnibus tutum asylum , impiumque erat in illo nocere alicui . Quo respexit Claudian. de bello Gildon.

*Flentibus Aram*

*Et proprium miseris Numen statuitis Athena.*

Non solum bonis , sed etiam

C 6 ma-

malis Dijs sacrificia exhibebantur. Romani namque malam fortunam, febrim, palorem, timorem, & cætera huiusmodi Numina venerabantur ne nocerent, quibus extra Ciuitatem templa dicata erant, & eadem Numina cane, & oue placabant, vt refert Alex. ab Alexand. genialium dierum lib. 1. vbi referuntur hæc etiam carmina.

*Hinc mala rubigo virides ne torreat herbas*

*Sanguine lactentis catuli placatur, & extis.*

Athenienses etiam Contumelia, & impudentia Aras sacrarunt, vt à contumelijs, & probris eos auerterent. Cic. lib. 2. de legibus.

Fortunæ quoque litatum est, cuius simulacrum ex auro fabrefa-

factum, vt ait Sparfianus in vita feueri, veluti Sacratiffimum in cubiculo Imperatoris solebat exponi, & post eius mortem in Successoris Tabernaculum transferri. Et cum Galba Imperator teste Suetonio aurea torque fortunæ simulacrum spoliauisset, eadem illi apparuisse dicitur, minataque se quoque, quæ ei contulerat erepturam.

## C A P V T VII.

### *De Auspicijs.*

**A**Ntiquæ religionis edictio auspicijs tantus honos accessit, vt nihil belli domique nisi auspicato gereretur. Concilia Populi, exercitus vocati summa rerum, vbi aues non admisissent dirimerentur.

Hæc

Hæc autem auspicia in exercitu apud Romanos penes vnum erant Imperatorem, teste Liuius, cuius ideo auspicijs geri omnia dicebantur.

Domi vero auspicia erant penes Augurum Sacerdotem, cui sumus deferrebat honor, tantaque fides eidem habebatur, ut eius dicto magistratus deponerentur si auspicia contraria fuisset pronunciaret.

A plurimis autem, & penè infinitis rebus desumebantur auspicia. Omnia recensere præsentis instituti non est, sufficiat tantum indicare quædam celebriora, quæ mihi in variorum librorum lectione occurrerunt.

Ab Aquila sanè semper optimum omen desumptum est. Tarquinio quidem carpento cum

Vxo.



Vxore infidenti dum Romam properaret, Aquila suspensis demissa leniter alis pileum abstulit superq; Carpentum magno cum clangore volitans, rursus ministerio veluti missa capiti aptè reposuit indè sublimis abiit. Accepisse id Augurium lata dicitur Tanaquil, teste Liviò, cum enim perita esset, vt cõmuniter Etrusci, cœlestium prodigiorum, complexa virum iussit alta sperare, eam alitem edito circa summum hominis culmen auspicio leuasse humano superpositum capiti decus, vt diuinitus eidem redderet. Resque ex voto euenit. Tarquinius namque Romæ ad Regale fastigium euectus fuit.

Eadem Iouis Ales Alexandro in Darium pugnanti super  
eius

eius caput, & circa equum leniter obuolans victoriam prænunciavit.

Plurima alia eaque semper fausta omina ab hac auum Regina facta leguntur apud Veteres.

A Coruo etiam licet plerumque infausti ominis esset indicium, ab ortu tamen solis veniente bonum omen indicabatur, & Marco Valerio Romano Tribuno Militum Corvus non solum fausta nunciauit, verum etiam attulit. Cum enim, ut scribit Liuius lib. 7. Gallus quidam vnumquemque Romano- rum prouocasset ad pugnam, Valerius certamen iniit, eique iam manum conferenti cum hoste Corvus repentè in Galea consedit in hostem versus, tenuitque

nuitque Ales non solum captam  
semel sedem, sed quotiescunque  
certamen initum est leuans se  
alis, os, oculosq; hostis rostro,  
& unguibus petijt, donec eun-  
dem territum talis prodigij visu  
oculisque simul, ac mente turba-  
tum Valerius obtruncat, cui  
deinde Coruini Cognomen fuit,  
& ei ob præmium Victoriæ tres,  
& viginti annos tantum nato  
consulatus omnium consensu  
delatus est.

Cum ædificaretur Templum  
Iouis sub Tarquinio superbo ca-  
put humanum integra facie a-  
perientibus fundamenta templi  
apparens Romam futuram esse  
caput Mundi prædixit.

A Flamma quoque semper  
fausta, ac iucunda prenunciata  
sunt. Puero dormienti, referen-  
te

te Livio, cui nomen fuit Servius Tullius caput arsisse ferunt multorum in conspectu. Plurimo igitur clamore inde ad tantæ rei spectaculum orto, Rex excitatus fuit. Et cum quidam familiarium aquam ad restinguendum ferret, ab Regina retentus, sedatoque iam tumultu moveri puerum eadem Regina prohibuit donec sponte sua expergisceretur, mox cum somno abiit, & flamma. Tunc Tanaquil seducto viro monuit id non mediocre portentum esse, lumenque illud Regiæ afflictæ præsidium fore, & sanè Servius ad Supremum Regni fastigium euectus fuit.

Idem quoque Livius asserit Lucio Martio Militibus concionanti flammam circa caput effusam

nam sine ipsius sensu cum magno pauore circumstantium militum certum eidem victoriae munimentum fuisse.

Veteres ex sternutatione etiā omen desumebant, hancq; modo boni aliquid, modo mali portendere volebant, vt adnotant interpretes Theocriti in illum locum ex Thalasijs desumptum.

Σιμυχίδα μὲν ἔρωτες ἐπέστανον

ἢ γὰρ ὁ δειλὸς

Τόσσου ἐρῇ μὴ τῶν ἰσχυρῶν ἴσας ἴσας

αἰγὴν ἔραγται.

Sæpiùs tamen in bonam partem accipiebatur præcipuè si dextrorsum quis strenuisset vt in 7. Illiados annotat Eustachius. Itaque, & Odysseæ 14. Penelope è sternutatione Telamachi gaudio perfunditur, quem in locum idem interpres satis multa

ta

ta ad hanc rem pertinentia con-  
gerit.

Huc videtur quoq; respexisse  
Catullus, qui de Acme, & Sep-  
timio postquam expressit affe-  
ctuosa verba Septimij erga Ac-  
mem, & Acmis erga Septimium  
ait:

*Hoc ut dixit, Amor sinistra ut  
ante,*

*Dextra sternuit approbatione.*

*Nunc ab auspicio bono profecti*

*Mutuis animis amant amantur.*

Ab hoc quoque alienum non est  
illud Propertij.

*Num tibi nascenti primis mea  
vita diebus*

*Aridus argutum sternuit omen  
amor?*

Omnia quæ à leua manu ve-  
niebant infausta ominari puta-  
bant, vnde infaustis, & tristibus  
re-

*Romanorum Ritibus. 69*

rebus læuam manum adhibebant. Quo respexit Seneca Tragic. in Medea, qui inducens illam tristitia molientem dicit.

*Et triste læua complicans sacrum manu.*

Tristitia quoque, & aduersa à Dijs læua manu dari credebant, vt asserit Delrius in Com. Senec. Trag.

Diuersa fuerunt auspicationis genera. Pyromantia fuit genus quoddam auspicationis, quod à flamma capiebatur. Capromantia aliud genus quod à fumo. Hieroscopia erat Extispicium Delrius in Coment. Senec. Trag. D. Isidorus, & alij.

Qui auspicabantur baculum quemdam incuruum manu capiebant, qui baculus appellabatur lituus. Hic seruabatur in  
Ca-

**Capitolio.** Sed cum perditus fuisset capta vrbe à Gallis, Eiectis illis inter cætera igne consumpta, & corrupta multo cinere consepultus illesus ab igne repertus est.

Auspicabantur etiam primo die, quo magistratum inibant Turnebus Aduersar.

Ad Bellum nisi auspicato progrediebantur. Quare Romanis contra Samnites arma conferentibus, cum incertis auspicijs ad bellum itum esset Lucius Papirius dictator Romam ad repetendum auspicium reuersus est. *Liuius lib. 8.*

Iter facturi maximè ab auspicijs dependebant, præcipuè ab auibus, quæ dicebantur oscines idest, vt vult Festus auspiciũ ore facientes, quales sunt Coruus,

uus,



*Romanorum Ritibus.* 71

uus, cornix, & noctua; Vnde  
Tullius de Diuinatione lib. 1.  
*Eadem efficit in auibus Diuina  
mens, ut tùm huc, tum illuc volent.  
Aues tùm à dextra, tùm à sinistra  
parte canant oscines.*

Inter mala omina itineris ha-  
bebantur Parræ Cantus, & Ser-  
pens transuersa ex parte æquo  
Terrorem inferens, & plura  
alia. Huius rei præclaram men-  
tionem facit Horatius lib. 3.  
Ode 27.

*Impios Parræ recinentis omen  
Ducat, & pragnans Canis, aut  
ab agro*

*Raua decurrens lupa Lanuino  
Fetaq; Vulpes.*

*Rumpat, & Serpens iter institutū  
Si per obliquum similis Sagitta  
Terruit mannes. Ego cui timebo  
Prouidus auspex.*

*Ante-*

*Antequā stantes repetat Paludes  
Imbrium diuina auis imminen-  
tum*

*oscinem coruum prece suscitabo  
Solis ab ortu.*

Dum autem dicit solis ab ortu designat Augures auspicia capientes solem spectare consueuisse, vt meridies eis esset pars dextera, Septentrio sinistra.

## C A P V T IX.

*De Imperatoribus, & Regibus.*

**I**mperatores, ac Reges tanta veneratione veteres prosequabantur, vt illos inter Deos immortales adscriberent Maiestatem Imperij salutis esse tutelam existimantes. Vnde Alexander-

xander Calisthenem diuinos honores illi denegantem interfecit.

Apud Indos, eodem Curtio teste, cum Rex in Publicum prodiret, thuribula argentea ministri ferebant, omnesque vias per quas transire decreuerat replebant odoribus.

Adeo autem effeminatè, & luxuriosè vivebat Indorū Rex, vt capillum pectens, atque se ipsum ornans responsa legationibus, & iura popularibus redderet. Eum quocunque ferebatur comitabātur Pellices si Curtio credimus, eumque sopitum in lectum deducebant. A foeminis epulæ Regiæ parabantur, & eadem conuiuio seruiebant.

Hesiodus verò relatus à Macrobiolib. 1. in Som. Scip. Pri-

D

scos

scos Reges non solum Dijs ad-  
scribit, sed etiam eisdem in Cœ-  
lo regendi res humanas assignat  
officium.

*Indigetes Diui fato Summi Iouis  
hi sunt.*

*Quondam homines modo cum su-  
peris humana tuentes.*

*Largi ac munifici, ius Regum  
nunc quoque nacti.*

Apud Romanos etiam Impe-  
ratores Diuinos sibi vsurpabant  
honores. Laureo coronaban-  
tur ferto, nam vt notat Casau-  
bonus in Persium tempore illo  
nondum erant diadema, & pur-  
pura, & alia Principum insignia,  
quæ posteriori æuo reperta sunt.

Ante ipsos præcedebant ex-  
cubiæ Apparatus militum, &  
Lictores. Ignis quoque vt notat  
Turnebus *Aduersar.* ante ipsos  
per:

perferebatur, & ante Vxo-  
res eorum. Hoc enim erat summæ  
dignitatis insigne.

Ante fores adium Imperato-  
ris pro splendore dignitatis te-  
ste Plinio lib. 15. viridis laurus  
videbatur affixa, & in eius cubi-  
culo vt tradit Spartianus in vita  
Seueri constituebatur Simulacrū  
Fortunę ex auro affabre factum,  
quod post eius obitum in succes-  
soris cubiculum transferebatur.

Boni autem Imperatores in  
bonis ministris eligendis maxi-  
mam, ac diligentem curam ha-  
bebant. Vnde Seuerus nomina  
eorum quibus magistratum de-  
creuerat in albo proponebat, vt  
vitia virtutesq; innotescerent, &  
quoque honore ac munere  
dignus esset populi iudicio ex-  
ploraret.

D 2 Im-

Imperatores vita functi si benè Rempublicam administrassent luctu publico plorabantur per aliquot dies. Laudabantur pro Rostris, eorumque gesta fastis comendabantur.

Sed celebre illud est quod de Regibus Ægypti tradunt Historici melioris notæ. Post mortem Regis publicè eius cadauer exponebatur, & statuebantur Iudices, qui supra eius actiones diligenter inquirerent; licitumque erat cuicunque etiam ex infima plebe ipsum accusare. Quod si delatum crimen verum esse reperiebatur, Nomen eius publicæ tradebatur infamiæ, & Cadauer Coruis, ac feris vorandum proiciebatur. Donec stetit hæc lex habuit Ægyptus optimos, ac iustissimos Reges, qui

qui tam rigoroso examine per-  
teriti summa diligentia caue-  
bant, ne vita functi tanto dede-  
cori subiacerent.

## CAPVT X.

### *De Magistratibus.*

**M**Agistratus habebantur  
proprijs in locis ad id  
publicè statutis. Quamuis ef-  
sent etiam extra ciuitatem quæ-  
dam loca, quæ dicebantur con-  
ciliabula, teste Adriano Turne-  
bo, in quibus conuentus aliqui  
iuridici fiebant.

Licurgus autem vt asserit Plu-  
tarcus statuerat, vt locus vbi  
conueniebant Senatores nullo  
esset opificio affabrè constru-  
ctus, sed in campo conuenirent.

D

3

aper-

aperto, ne in rerum varietatem oculos figentes minorem curam statuendis rebus impenderent.

Nulla fiebat Magistratum electio sine auspicijs, teste Turnebo ita ut quàm multi de eisdem auspicijs dubij à dignitate se se ultro abdicarent.

Supremorum Magistratum vestis erat purpura Senatoria, quæ laticlavius dicebatur. Angusticlavius vero erat aliud genus vestis, quæ dabatur inferioribus dignitate. Qui Angusticlavius dicebatur etiam Arctum lumen purpuræ.

Iudices summam, & intaminatam administrabant iustitiam, ita ut nullus cognatorum amor ad illam infringendam eosdem inducere valeret. Cum enim pulsus Roma Tarquinijs detectus fuisset



fuiſſet quædam conuentio inter nobiliores Ciuitatis de Tarquinijſ iterum introducendis, & in illa comperti fuiſſent etiam duo Filij Bruti tunc Conſulis. Sedentes Conſules pro Tribunali, ipſe quoque Brutus morte damnauit Filios illorumque ſupplicio conſtanti animo ac ſicis oculis interfuit.

Varia, & multa fuerunt Ma-giſtratum genera, ſed omnium ſupremus fuit conſulatus. Duo autẽ eligebantur Conſules maturioris ætatis adeo vt excederent annum quadageſimum tertium, & niſi bienio elapſo poſtquam Prætura functi fuiſſent.

Penes iſtos erat Summa Regiminis, & ante eos ſemper præcedebant Liſtores cum ſecuribus, & virgis, quæ erant digni-

tatis insignia; Nam antequam reus capite plecteretur virgis cædebatur Turnebus in Comentar. Cic.

Erat etiam maxima censorum auctoritas præsertim in legibus sanciendo, atque earum observantiæ inuigilando. Ad illos quoque spectabat Romanos equites recognoscere, qui proinde trabeati ante illos præteribant; eosque salutabant. Quo respexit Persius Satyr. 2.

*Censorem ne tuum vel quod trabeate salutas.*

Alius erat Magistratus ædilitium quorum munus erat vendentium rabiem coercere, teste Casaubono in Pers. Annonam curare, de mensura iudicare, minora vasa frangere &c.

Erant ulterius prætores, &  
Præ-

*Romanorum Ritibus. 81*

Præfecti, qui ad Regendas subiectas prouincias mittebantur. Ad illos Ciuiliū rerum, & etiam Criminalium iudicium spectabat. Ad istos rei militaris cura pertinebat. In arduis tamen ac magni ponderis rebus, quæ publicum spectabant nihil statuebant inconsultis Supremis Magistratibus; Quibus etiam perfuncti muneris rationem reddabant.

Viginti viri erat alius Magistratus, teste Turneb. Aduersar, constans ex viginti viris. Quorum tres erant trium viri capitales, alij tres trium viri monetales. Quatuor viri curatores viarum Urbis, & decem Viri qui hastam centum viralem cogeant.

Reges ærarij erant decem vi-

D 5

ri

ri summa cum potestate creati; Qui omnes Italiae, & Syriae agros, omnia vectigalia, etiam quae Pompeius imperio quaesierat diuenderent. Qui in iudicium vocarent extores eicerent sedibus, vrbes concederent, pecunias ex aërio haurirent, milites conscriberent, & exercitum alerent. Reges autem appellabantur, teste Turneb. eo quod esset hoc nomen Romanis perquam iniustum.

Cientes autem quotidie magnos viros, & etiam nobiles salutatum adibant, ut refert Casaubonus in Pers. Qui autem minus grati erant durius tractabantur ab hostiariis, & admissionum Magistris. Hoc autem Persius eleganter *limina frigescere* dixit translatum à cibis pri-  
dia-

*Romanorum Ritibus.* 83  
dianis, & frigidis qui minus  
placent: Satyr. I.

*Vide sis ne maiorum tibi fortè  
Limina frigescant.*

Omnes autem Magistratus,  
vt dixi, Romana præsertim Re-  
publica vigente satis cautè pro-  
cedebant inferendis iudicijs, vn-  
de Lex Seruilia induxit com-  
prehensionem, quæ erat se-  
cunda actio, siue secunda dictio  
causæ teste Turneb. Aduersar.  
ne primò Reus iudicaretur, &  
licet in prima actione liqueret  
iudici reum esse damnandum,  
eum tamen condemnare non li-  
cebat nisi post secundam actio-  
nem.

Morte damnati vehiculo ad  
supplicium ducebantur ignomi-  
niæ causa, vt omnibus conspe-  
ctui essent, vt refert Amian.

D 6 Mar.

Marcel. lib. 29. Hoc autem supplicium vsque ad Constantini tempora fuit Crux; licet Ciues Romani non Crucifigerentur, sed tantum capite plecterentur.

Qui Rempublicam benè administrauerunt soliti erant plausu excipi à Populo ludos spectante. Quò respexit Oratius lib. 1. Ode 20.

*Datus in Theatro cū tibi plausus*

*Chare mecenas Eques.*

Qui autem se malè gesserant sibilis excipiebantur.

Summus erat honor apud Romanos, & benè gestæ Reipublicæ argumentum Appellari Pater Patriæ. Qui honor ante Cæsarum tempora nemini quàm Camillo, & Ciceroni contigit. Et ipse Augustus, vt refert Sue-

tonius, nullo alio honore magistratus est, quàm cum à Senatu Populoque Romano Pater Patriæ appellatus fuit.

Magistratum iussu apud Romanos res omnes, cum foris gestæ, cum actæ domi singulis annis publicæ memoriæ causa in fastis perscribebantur, teste Livio, & à fastis publicis tempora metiri solebant, vnde & annos à consulibus computabant.

## CAPVT XI.

### *De Iuramento.*

**I**uramentum tanta religione obseruarunt Veteres, vt nunquam, nisi maxima necessitate coacti eodem se obstringerent. Peiera re autem adeo summum

num nefas apud ipsos habitum est, vt existimauerint ipsis quoque Dijs peierantibus poenam statutam fuisse. Si enim aliquando accidisset, vt per Stygiam Paludem iurassent, nec iuramento stetissent, arbitrabantur pro poena ipsis indictum esse, vt Deorum mensis abstinentes per annum nectare, & ambrosia priuarentur. Delrius in Com. Sen. Trag.

Solemne autem iuramentum in Æde Proserpinæ fieri consueuisse tradit Cornelius Nepos, & qui iurabant aram tangebant, vnde vetus illud dictum *tactis aris*.

Viri iurabant per Iouem, Herculem, Fidem, Genium. Mulieres verò Edopol, Ecastor, & per Iunonem, vt tradit Lubi-  
nus



nus in Iuuenal. Vnde adulantes Neroni dicebant *per Iunonem tuam*. Maximum erat Iuramentum apud Romanos, teste eodem; Per Iouem, Palladem, Iunonem, qui ex Samotracia Romam adueſti ſunt.

Per cineres etiam, & oſſa ſuorum, & per quicquid earum haberent iurare ſolebant Antiqui. Quo reſpexit Iuuenal. Satyr. 6.

*Nondum Grecis iurare paratis*

*Per caput alterius.*

Maximum verò iuramentum erat cum quis iurabat in verba alterius, teſte Torrentio, repetitis ſcilicet verbis, quæ profeſſebat alter, & grauius peccare arbitrabatur, qui tali iuramento non ſtaret.

Pontifici iurare per filios non licebat. Per Deos verò permiſſum fuit.

Cir.

Circa calendas Ianuarij Milites consueuerunt iurare in verba Principis . Teste Cataneo in Com. Plin. Ep. Illo autem die fiebant Solemnia Cereris, & asserente Tertuliano, Focos, & Choros in publicum educebant, viciatim epulabantur . Ciuitatem Tabernæ habitu abolfaciebant, lutum vino cogebant, cateruatim cursitabant .

Quando aliquis vocabat aliū in testem, vt pro se veritatem aliquam iure iurando affirmaret ipsam laudare solebat ne videretur indignus cuius testimonium audiretur, vnde vt ait Lubinus in Iuuenal. *testem laudare erat testem eligere* .

Quando verò duo pactum aliquod cum iuramento inter se faciebant, vterque tabellam in qua

qua pactio erat præscripta propria manu obsignabat, quæ tabella teste Suetonio *syngrapha* appellabatur.

## C A P V T XII

*De Poetis, & Oratoribus.*

**V**Eteres doctos viros, ac virtute præditos summo honore, ac veneratione prosequabantur. Quare Alexander Thebis excisis pepercit tantum stirpi Pindari Vatis, ut notat Curtius lib. 2. & Scipio Africanus teste Paterculo lib. 1. Polybium, & Panecium præcellentes ingenio viros domi militięq; secum habuit, & Marcellus captis Syracusis iussit ut nemo auderet Archimedis vitam lædere,

re, & eundem mathematicis' figuris delineandis intentum miles inuoluntariè obtruncauerit.

Maiori etiam æstimatione habebantur apud bonos viros literati quam diuites. Antigonus enim Rex duobus filiam suam petentibus, quorum alter erat pecunijs inops, Doctrina verò, & virtute Diues, alter vero auro locuples, sed doctrina pauper Filiã concessit pauperi virtute prædito dicens volo virum indigentem pecunia, non pecuniam indigentem viro. Vt asserit Lubinus in Coment. Iuuenal.

Honoris causa Poetæ coronis hederaceis donabantur quo respexit Horatius lib. 1. Ode 1.

*Me doctarum Hedera premia  
frontium.*

*Dij's miscent superis.*

Et

*Romanorum Ritibus. 91*

Et Poetarum etiam imagines, & statuae hedera coronatae in Musarum aedibus locabantur. Quod expressit Persius in Prolog. Satyr.

*Heliconidas Pallidamque Pyrenen*

*Illis relinquo, quorum imagines lambunt*

*Hederae sequaces.*

In tanta ergo aestimatione erant apud Homines Viri docti, ut praetereuntes per publicas vias digito monstrarentur, quod pro summo honore ab ipsis habebatur. Vnde Horatius.

*Totum muneris hoc tui est*

*Quod monstror digito Praetereuntium,*

Et Persius Satyr. I.

*At pulchrum est digito monstrari, & dicier hic est.*

Plu-

Plures ideo ingenti litterarum desiderio flagrant, omnique studio curabant, ut docti aut fierent aut haberentur. Qua propter Epitecti lucerna empta fuit ter mille dracmis, eo quia emptor sperabat se ad eius lumen studendo doctum euasurum, ut tradit Lubinus in Iuuenal.

Quam plures alij mentem elaboro purgabant albo, quod & sumpsisse Carneades fertur contra Zenonis libros scripturus. Huc respexit Persius. Satyr. 1.

*Non hac est Illias Actij*

*Ebria Veratro.*

Alij denique, vel aquam bibant Hypocrenis, vel Parnassi iuga conscendebant, ut ibi dormirent, sic enim putabant se doctos euasuros. Quos perstringit Persius in Prolog. Satyr.

*Nec*

*Nec fonte labra prolui Cabalino  
Nec in bicipiti somniasse Parnasso*

*Memini, ut repente sic Poeta  
prodirem.*

Qui verò iratissimis mentem  
fortiti erant studiis ineptam,  
curabant librorum ostentatione,  
vel habitu, vel alio modo,  
ut docti haberentur. Vnum ex  
his lepidissimo Epigrammate deridet  
Martialis.

*Quod emptis libris tibi bibliotheca referta est*

*Dactum, & grammaticum te  
Philomuse putas.*

*Hoc genere cordas, & plectra, &  
Barbyta conde*

*Omnia mercatus cras cytare dus  
eris.*

Studebant Veteres præsertim  
diuites in lectulis lucubrationis  
com-

compactis ex tabulis cytrinis,  
ibique carmina faciebant. Per-  
sius Satyr. 1.

*Non quicquid denique lectis  
Scribitur in Cytreis.*

Ornabantur libri quibusdam  
veluti clauiculis, qui dicebantur  
umbilici, & quia hæc ornamen-  
ta imponi solebant libris iam  
confectis, hinc ortum habuit il-  
lud commune dictum *Rem ad  
umbilicum perducere* pro extre-  
mam manum imponere.

Consuetudo Romæ fuit, ut in  
Æde Apollinis Palatini docti  
viri conuenirent, & sua scripta  
eò deferrent, ut testatur Lubi-  
nus in Iuuenal. Neque quisquam  
Poeta censebatur nisi prius car-  
mina recitasset publicè, aut in  
lucem edidisset. Quo respexit  
Pers. in Prolog. Satyr.

*Ipsc*



*Ipsæ Semipaganus*

*Ad sacra Vatum carmen offero  
nostrum.*

Oratores autem, & Poetæ publicè aliquid recitaturi corporis elegantia studebant, unde mos erat, ut loti prodirent, pexa coma, atque barba, noua ac alba veste induti, annulum ferentes in digito, cui sardonix esset infixæ. Quæ omnia exprimit Persius Satyr. 1.

*Scilicet hac populo pexus rogaq;  
recenti,*

*Et natalitia tandem cum Sardoniche albus.*

Celsam sedem conscenderes, silentio manu indicto Orationem, vel carmen recitabant, quo completo si Populo placuissent, acclamationibus plaudabatur ab auditoribus dicentibus

*Eugè,*

Eugè, & bellè. Idem Persius Satyr. i.

*An erit qui velle recuset  
Os populi meruisse?*

Et paulo post.

*Sed recti finemque extremumque  
esse recusato*

*Eugè tuum, & bellè.*

Oratores autem, & Poetæ parum solidæ eruditionis habentes, & tantum in speciem docti, hos plausus extorquere conabantur ab auditoribus, vel inflata verborum prolatione, vel gratiam affectando balbutienti lingua. Quos lepidissimè carpit Persius Satyr. i.

*Scribimus inclusi numeros ille,  
hic pede liber*

*Grande aliquîd quod pulmo anima  
prælargus anhelet.*

Et paulo post.

*Heu*

*Romanorum Ritibus. 97*

*Heu aliquis cui circum humeros  
hyacinthina lena est*

*Rancidulum quiddam balba de  
nare locutus*

*Phylladus Hipsipyllas, vatum &  
plorabile si quid*

*Eliquat & teneros supplantat ver-  
ba palato.*


*Assensere viri.*

*Multoties etiam hos plausus  
debant, vel laudantes ad con-  
uia inuitando, vel muneribus  
liciendo. Vnde Petronius Sa-  
r. ait:*

*Multò turpior es tu herculè, qui  
foris re nares Poetam laudasti.*

*t Persius Satyr. I.*

*Scis comitem horridulum trita  
donare lacerna &c.*



**E**

**CA.**

## CAPVT XIII.

## De Bello.

**V**Eteres Romani antequam bellum exteris nationibus indicerent feciales statuebant, quorum munus erat aduertere ne causa belli esset iniusta, & ne impiè, aut immaturè arma caperent. Res igitur priùs repetitum ibant, deinde maioris partis consensu sancito bello, statutis Ducibus militibusque paratis ferratam hastam aut sanguineam ad fines imperij ferebant, & non minus tribus puberibus præscentibus in dicto bello hastam in fines hostium emitebant.

Iani inde templum aperiebatur,

tur, apertumque remanebat durante bello, quo peractio claudabatur.

Qui exercitibus præerant apud Romanos coccineis utebantur Sagis. Horatius. De M. Antonio.

*Terra marique victus hostilis  
puncio*

*Lugubre mutavit sagum.*

Militum vestis erat lacerna siue palium fimbriatum quo tantum ipsi utebantur.

Præter ius iurandum quo solebant communiter se obstringere milites circa Calendas Ianuarij iurando in verba Principis, antequam bellum inirent aliud emitebant his verbis, *ibimus, ibimus* secuturi videlicet Ducem suum.

Summa rerum in bello penes

E 2 vnum

vnum fere semper erat, cuius  
Suprema Maiestas Summumque  
Imperium, vt nemini liceret eius  
mandatis reluctari. Quare ex-  
citato bello inter Romanos, &  
Latinos Titus Manlius Consul  
proprium filium necari iussit eo  
quod hostem lacescitus occidis-  
set contra eius edictum. Et Lu-  
cius Papinius dictator Romanis  
in Samnites arma conferentibus  
Quintum Fabium Magistrum  
Equitum virgis capiteque dam-  
navit eo quod contra eius man-  
datum in Samnites pugnasset li-  
cet secundo Marte, ac victoriam  
retulisset viginti millium ho-  
stium nece decoram. Vltimum-  
que sanè passus esset supplicium,  
nisi lacrymis Patris Fabij, &  
totius Populi Romani preci-  
bus commotus dictator **Quin-**  
**to**

to Fabio pepercisset : T. Liuius lib. 8.

Si contigisset aliquando dictatorem ad Senatum scribere epistolis præscribere solebant. *Si vos liberique vestri valetis bene est, ego exercitusque valeamus.*

In militia contubernium undecim homines faciebant auctore Vegetio. Qui tali contubernio præerat Decanus dicebatur ipse scilicet Undecimus, & caput contubernij.

Disponebantur milites in acie instruenda tali pacto, ut hastati ponerentur in prima acie. Veterani verò milites in tertio ordine constituerentur, extremoque periculo repellendo reservarentur. Unde ad supremum discrimen indicandum dicere solebant *res ad Triarios venit.*

E 3

Vr-

Urbem aliquam obsidentes prius Deos euocabant, obfessi-  
que Deorum simulacra catenis,  
vel ferreis, vel aureis deuincie-  
bant ne illos defererent. Qua-  
re victis Veientibus à Romanis  
opugnataque eorum ciuitate in  
qua templum Iunonis erat, Iu-  
uentus Romana albis vestibus  
induta Iunonem solemnī more  
venerata rogauit eam vellet ne  
ire Romam, quibus illam an-  
nuisse, & leuem se ferentibus  
præbuisse scripsit Liuius.

Dies ille quo totaliter bellum  
perficiebatur, appellabatur ma-  
gnus dies. Solemne epulum in-  
stituebatur, aliaque edebantur  
publicæ lætitiæ signa.

Omnis præda ex victis, fuga-  
tisque hostibus, aut ex captis vr-  
bibus relata deferabatur in pu-  
bli-



blicum. Quapropter Consulibus Romanis à Tribunis Plebis dies dictus fuit eo quod prædam latam ex exercitu vendidissent, damnatique sunt quia eam non contulissent in Publicum.

Victores ouantes Ciuitatem ingrediebantur, & Imperator quidem Curru vehabatur, cuius instituti auctor fuit Tarquinius, qui primus omnium curru in triumpho usus fuit.

Induebantur victores Nicetærijs, quæ erunt vestes, vel ornamenta è victorum colo pendencia. Eorum verò corona fuit ex frondibus populi arboris cōpacta, qua animi fortitudo designabatur.

Triumphantes bullā in triumpho gerebant inclusis in ea remedijs, quæ aduersus inuidiam

E 4 cre-

crederentur validissima Macrobi.  
lib. 1. Saturn.

Deniq; Populi Romani plausu publicisque acclamationibus ducebantur in Capitolium, vbi albabos & indomita, vel etiam aliquando Taurus Albus Capitolino Ioui immolabatur.

Honoris causa erigebatur etiam statua victoribus, quæ dicebatur statua palmaris.

Victoribus militibus hostilis ager diuidi solebat, & Veteranis in coloniam deductis tantum agri dabatur, quantum ad alimentum sufficiens esset.

Si verò pacem sancire contingeret; In conuentione pacis teste Liuius Porcum saxo scilicet percutere solebant quod à Sacerdotibus agebatur. Hocque peractum fuit in conuentione  
Po-

Populi Romani cum Albano.

Ducestandem, & Imperatores Militum confecta pugna, completoque bellandi munere, arma, & scuta quercui appendebant, sicuti etiam hostium exuvias; Quo respexit Lucanus lib. I.

*Qualis frugifero Quercus sublimis in agro*

*Exuvias veteres Populi sacrataque gestans*

*Dona Ducum &c.*

## CAPVT XIV.

*De Coronis.*

**M** Ultra sane, ac diuersa fuisse coronarum genera, quibus Veteres tam Deos, quàm homines donabant satis

E 5 com-

compertum est. Omnia recen-  
ferenim is operosum est. Aliqua  
tantum breui pagina indicabo.

Corona ex frondibus populi  
arboris animi fortitudinem in-  
dicabat, illaque donari consue-  
uerunt ij, qui fortis generosique  
animi monumenta aliqua reli-  
quissent.

Corona Cinica contexta erat  
ex quercu, vel illice, eaque do-  
nabatur qui ciuem seruasset, si-  
mulque hostem occidisset.

Corona obsidionalis illa fuit,  
qua donabantur illi, qui obsessos  
liberassent. cōstituebatur ex gra-  
mine collecto in illo loco in quo  
detinebantur obsessi. Hac co-  
rona, teste Liuius, Decius do-  
natus fuit à Romanis Legioni-  
bus, quas ab obsidione liberaue-  
rat lib. 7. cap. 37.

Co-

Corona oleagina donabantur victores ludi Olympici, eademq; apud Lacedemonios erat Sapientiæ præmium; qua donatum fuisse Temistoclem accepimus ex Plutarco.

Ex oleagine quoque construebatur alia corona, quæ dicebatur corona honoris, & eadem donabantur bene de Republica meriti, non solum apud Athenienses, verum etiam apud Romanos, antequam coronæ tenerentur ex floribus. Coronam hanc obtinuit Trasibulus, teste Cornelio Nepote, cum Athenas à triginta Tyrannis liberasset.

Corona hederacea propria fuit Poetarum, hac coronari solebant Poetæ, qui carminum elegantia alios superassent.

E 6

Ca-

**Calendis Aprilis** *Matronæ* myrto coronatæ se se abluebant.

Sicuti etiam eodem die Pontificum, & Imperatorum fores viridi lauro coronabantur. Plin. lib. 15.

**Conuiuales** *Coronæ* ex Apio, & Myrto erant constitutæ, quibus etiam alligari solebant aui culæ quædam, quæ vnguibus rostroque conuiuas pungendo impedirent ne inter pocula obdormirent. Muret. in *Coment. Catul.*

Ex Apio pariter, & myrto texebantur coronæ sepulchrales, quibus cadauera, & sepulchra coronabantur.

Verbenis coronari solebant qui hostias immolabant.

**Simulacra** fluminum coronabantur.

bantur ex arundinibus eo quod ripæ fluminum arundinetis præfiguntur. Torrent.

Consueverunt quoque veteres semel in anno teste Varone puteos coronare in memoriam beneficij ab eisdem accepti cum limpidas aquas suppeditent.

## C A P V T X V.

### *De Funeribus.*

**P**ostquam aliquis fatis concesserat, cadaver pretiosis vnguentis vngebatur, vel additum vstrinæ virus auertendum, vel inani quodam in mortuos officio, de quo Persius.

*Crassisque lutatus amoris  
In portam rigidos calces extendit.*

Et

110 De Antiquis

Et Martialis 11.

*Vnguentia, & Casiam, & olentem  
funera myrrham*

*Thuraque de medio semicrema-  
tarogo,*

*Et quæ de Stygio rapuisti Cinna-  
malecto.*

**Inde Cadaver toga indueba-  
tur. Iuuenal. Satyr. 3.**

*Pars magna Italia est si verum  
admittimus in qua*

*Nemo togam sumit nisi mortuus.*

Qui è viuis decesserat si vir  
nobilis erat, aut gestis clarus,  
eius filius, vel aliquis ex eius  
familia pro Rostris, quæ in vita  
preclarè gessisset, oratione lau-  
dabat.

Pyra postea parabatur ex li-  
gnis odoriferis constructa, vn-  
guentis quoque permixtis. Ad  
hanc delatum cadaver in ean-  
dem



dem proiciebatur simul cum epulis cremandis, quas miseriores homines aliquando extrahebant ut illis saturarentur, quod erat extremæ paupertatis inditium. Vnde Catullus.

*Vidistis ipsam carpere è roga cenam.*

Cadauere iam igne consumpto colligebantur cineres. Quomodo autem hoc fieret censent aliqui fuisse id peractum beneficio lintei ex lino quodam incombustibili quod asbeston Greci dixerunt. In hoc cadauer inuolutum comburebatur quidem, sed impediabatur ne cineres dispergerentur.

Sed quicquid sit an linum illud verè fuerit, an aliquid fabulosum, certum est quod non potuerunt omnes illo uti ob eius-

eiusdem pretium, & raritatem.

Verosimilius igitur est non fuisse veteres adeo anxios, ut omnes cadauetis cineres colligerent, sed tantum quædam ossium fragmenta, & residuas particulas, quibus plerunque cineres aliqui inhærebant. Hæ particulae in urna capaci locabantur. Hinc respexit Martialis lib. 8. 57. de quodam Picente, qui cum haberet tres dentes illos dum sedet ad tumulum, expuerat, ac terræ mandauerat.

*Ossa licet quondam defuncti non  
legat haeres*

*Hoc sibi iam Picens praestitit  
officium.*

Et Seneca in Consol. ad Martiam cap. 22. *Adyce incendia,  
ruinas, naufragia, lacerationes me-  
dicorum, ossa vinis legentium.*

Post-

*Romanorum Ritibus. 113*

Postquam lecta ossa erant antequam urnæ inderentur, in sinum condebantur, vnde Tibullus.

*Non hic mihi mater  
Quæ legat in mæstos ossa perusta  
sinus.*

Eadem vino perfundebantur.

*Vino bibulam lauere fauillam.*

Quodque mirum est etiam in martyrum reliquijs apud Christianos id seruatum tradit Prudentius Hym. de SS. Fructuoso, Augurio, & Eulogio. Martyribus.

*Tum de corporibus sacris fauillam,*

*Et perfusa mero leguntur ossa*

*Quæ raptim sibi quisque vendicabat.*

Postea in urna talia fragmenta condebantur. Amicorum autem

em munus erat erga defunctos illos lugere, & conditos urna cineres lacrymis spargere, ampullasque lacrymis impletas sepulcris inferere. Vnde non humari, aut sine lacrymis humari infaustum erat.

*Nos viles anima inhumata, infletaque turba.*

Nonnulli etiam cineres suorum, ne qua pars periret, labris, & ore scrutati lambere solebant. Quo respexit Seneca Tragic. in Troa.

*Quicquid hinc cineris latet  
Scrutabor ore.*

In vno loco plures urnæ condebantur, sicut in vno monumento plura corpora. Vnde Cinerarium in vet. inscriptionibus pro loco urnarum in quibus cineres; Qui locus ossuarium etiam

etiam ab aliquibus appellatus est.

Non semper Romani cadauera combusserunt. Nam Plinius lib. 7. tradit non fuisse veteris instituti cadauera cremare. Nam initio mortuos terra conditos fuisse, & etiam à multis familijs priscum ritum servatum esse; Sicut in Cornelia neminem ante Syllam crematum.

Vulgò cremari cadauera desisse tempore Antoninorum viri docti credunt, sed nihil certi afferunt, cum etiam post eosdem cadauera cremata fuisse tradant nonnulli.

Christiani quidem, quod ego sciam nunquam cadauera cremarunt, totamque hanc vstrinam sustulerunt, & Iudæorum exemplo integra sepelire consue-

*fuenerunt, vt tradit Tacitus. Et Ethnicus quidam contra Christianos declamitans apud Minutium felicem in octauio ait. Inde videlicet, & execrantur rogos, & damnant igniura sepulturas.*

Optabant suorum tumulis ver æternum, eoque frui perpetuo Manes bonorum credebant. Vnde Iuuenal.

*Dij Maiorum umbris tenuem, & sine pondere terram  
Spirantesq; Crocos, & in urnam perpetuum ver.*

Ex quo patet, quod amicorum cadaueribus terram leuem, inimicorum verò grauem optabant: Vnde Tibullus.

*Quisquis es infelix urgeat ossa lapis.*

Mortui summa veneratione habebantur, vnde & Sepulcra

vio-

violare summum nefas existi-  
marunt, & ingredienti locum  
in quo sepulcra erant constituta  
mortuos salutare consueverunt.  
Vnde Virgil. *Æneid.* 5.

*Salve Sancte Parens, iterum sal-  
uete recepti*

*Ne quicquam cineres animaque  
umbraeq; Paterna.*

**F I N I S.**















1/2



